


123456789

re, & Corpus
ins, cum
Eua
In
om
com



~~Dec 22 1800~~
~~1800~~
~~1800~~

10 / 150 / 150

50
 50

Es ist ein
 ein wenig
 geistlich

C. XVII. 23



MUSÆUS

INTER SEPVLCHRALES VMBRAS,

Erudito capite, emeritisq; humeris,

EMINENS,

Perillustis olim Clarissimus & Admodum Reverendus D.

M. SAMUEL

JOANNES

PODGORSKI,

Sacræ Th. Professor, Collega Major,

Ecclesiarum Collegiatarum Sandomiriensis & S.

ANNÆ Crac: CANONICUS, in Ecclesia Cathedrali Crac: pro

Festis CHRISTI Domini & Beatissimæ V. Mariæ Conci-

ONATOR, in Archipræsbyterali PÆNITENTIARIUS, S. Authori-

tate Apostolica NOTARIUS Publicus, PAROCHUS in Smar-

zowice, Librorum per Diocesim Crac: CENSOR,

S. R. M. SECRETARIUS, Vir de Ecclesia DEI &

Repubblica literaria meritissimus.

DUM EI

Justa Parentalia

in Ecclesia Collegiata S. ANNÆ Crac:

a mæstissimis Ordinibus Academicis

magno omnium dolore persolverentur,

M. STANISLAO MARKIEWICZ,

Phil: Doctore, Collega Minore, ibidemq; Ordinario Eloquentiæ

Professore, Parocho Stradoviensi,

Lugubri elogio ad Elysium,

DEDUCTUS.

Anno Domini 1712. Die 13. Decembris.

CRACOVIAE, Typis UNIVERSITATIS.

M U S Æ U S
INTER SEPULCHRALES UMBRAS,
Erudito Capite, emeritisq; humeris,
E M I N E N S.

Erroneum cæcæ mortis opus,
homines quidem mortales sepulchralibus umbris involvit,
sed non totos.

Ex senaculo Musarum Viri,
dum sublimi fidera vertice ferunt,
feralem in terris Libitinæ ictum, parte sui meliore, effugiant.
*Cedant promiscua plebis capita, sub fatorum falcidiam legem,
hæc Sapientibus non est posita.*

Vir Sapiens, os humerosq; DEO similis,
eos ex communi sorte effert,
& fidereæ luci per Cleanteam initiat.

Inter continuos immortalium operum ardores,
Stipitem Altheæ, incombustum tenet,
ex quo Mercurium faciat, sui præconem.

Nimirum,
Sapientiæ Majestas, sedem suam, erudita capita,
Capitolia potius dixerim,

fatalium Senonum telo, expugnari patietur?
Si Vir Sapiens dominabitur astris, & uno minor Iove est,
quidni fulgurante ingenij splendore,

tristes funerum umbras, scindat, & dissipet?
Stupendas olim ad sepulchra lucernas, per secula duraturas,
antiquis non invidet.

Pharumq; Canopo relinquit:
cùm literatam operam, oleumq; capitis inextinctum, gestet,
ipse suæ gloriæ lampadophorus.

Eti

Uach
Etsi aliquando, ad lapidem sepulchralem, cadendum
lapis ille Lydius est;
in quo caput, aurum optimum, vivos fulgores exprimit.

Quod si Musa vetat mori,
Parnasseum eruditi capitis verticem,
nullæ funestæ obtrudent nubes,
quem, cum auricomis Phæbo, Musarum chorus insedit.

Meritorum brachia,
& eburneos, plusquam Pelopis humeros,
gemmeo literarum pondere limatos,
quæ pullata umbra decolorabit?

Non frustra, Cumana Sybilla,
Musæum, Græcum Theologum, Scientiarum compendium,
vidit in campis Elysij, capite & humeris cæteras animas superare.

Hæc nempe dos Sapientiæ est,
etiam sub depressione fatorum, eminere.

Sic hodie emines,

Laurumq; immortalis cupressum vincis,
Perillostris olim Clarissime & Admodum Reverende Domine.

**SAMVEL JOANNES
PODGORSKI,**

Sacræ Theologiæ Professor,

Olim Scientiarum compendium, nunc dolorum.
Saul quondam à Samuele regnare iussus,
in toto populo, ab humeris, & sursum eminebat.

At tu Samuel & Musæus,

Sacrâ diphtera, & Cyrrhaea cortina insignis;

Mentes, simul & montes,

pariter Heliconis, ac Olympi superas verticem:
præghantes, lacrymis, animorum nubes, deferens.

Quam fausta dies? qua te ad Vniuersitatem Crac: contuleras?
ex hodierno mærore, metiri licet,

dum altum, omnibus indicis gemitum.

Ex Dactylitheca enim Almae Marris, excidis gema.

Commodasti Academicis Musis cum ætatis florem,
quem jam maturè explicatum, in sapientiæ Elixir eliquare possent.

Tum Apollinis, assecla, cum ejus arcum tendere valeres.

Pulchrum est, alibi crepundia cum prætexta ponere,

ut hic sub jure rogato, pacatum te exhibeas:

ubi ludere par Phæbi cum Minerva,

equitare in Pegaso, non ultra Hippocrenen,

et solo animi motu, cursare, licet. (rēdes)

Capax concha ingenii, ad cælum se, suspiriis pro-
intillatum brevi, scientiarum concepit rorem,

quo mox totus gemmeus fieres.

Sic pretiosus intra, ab extra pulcher lauru effulseras
sub qua jam, serenè tonare posses.

Insertus Cathedræ Doctor,

Annulo Beryllus, Lycco Musæus.

Hedera tamen hac, scientiam non venditans,
quantum tibi decesset ad perfectionem, semper,
nunquam, quantum eruditionis virtus operosa
collegit, cogitabas.

Orphea, non Morphea sequens,

intimos, sapientiæ, scrutabaris Delphos;

ut tandem, indagentibus, Oracula panderes.

Prodiisti ex Antro Corycio,

privatâ nimirum tui ingenij culturâ,

ad patentius theatrum.

Novodvorscianam succrescentem Musarum
aulam cultiorem factururus.

Hic tu Alcinous, teneras adolescentum plantas,

Adco-

adeò feliciter irrigasti:
ut biferæ factæ, in Regni & Ecclesiæ area,
Hesperidum superarent fructus.

Sic totus Musæus,

ad Minorem Sapientiæ non tam vocaris,
quàm invitaris Domum;
quæ in te Microcosmum, eruditionis venerata,
angustias suas erubuit.

Ruborem tu illi exuens, ad pallorem provocabas,
quo, jugiter non declivi brachio, onera, honoribus præferendo,
libris impallescendo, & in sicco sapientiam degentem, quærendo
magis ponderosus & conspicuus eras,
quàm alij pingues sanguinis vtres.

Ita est: marcere vultum, maturescere ingenium necesse:

Et Cynthia colores, ante Phæbeum splendorem induere.

Palladium olim, in arcano Vesta, virorum oculis inconcessum:

Quia rari ad intima sapientiæ pertingunt;

sine lampade Vestali, continua nimirum lucubratione procedentes.

Hæc tu illustratus, domum tuâ Encyclopædiâ fecisti;
ut passim ad te confluentium,
eruditionis causa, ingenia cuderet.

Et certè, sæculum hoc,

si Numas Reges haberet, scientiarum avidos,
ad te illi, ut quondam ad Pythagoram
cum maximo gustu, se conferrent.

Isocratis domus, cunctæ Græciæ, literarius ludus;
& dicendi officina erat.

Non minus tua, ex qua velut ex Apotheca,
nulli non licuit, condimenta politioris vitæ efferre.
Os tuum, gemitivo nectare plenum, cum loquereris,

Calamus tuus, Phœbi radius,
immensum splendorem, his invexit, quibus sepiam.

B

Ad

Ad Giganteum meritorum cursum,
accessit Philosophicus:

in quo tu, explanando, non per vicos discurrens,
sed ad limam sedens,

& in terminis stans ruminandis, ut Stoicum decebat:

in ponte Logico, perspicax Cocles eras;

in Physica Eurippum ratione tranasti:

Levis alga saepe cursum navis moratur:

at tuum nulla commoda,

quin remigantium lubre, calamis, candida vela dures.

Cumq; jam te, Minor Macedonia, non caperet,

Suscepit Major sapientiæ Domus;

habitura ex te maximum falcrum.

Et mox, honorat Decanali purpura,

in talibus nonnisi humeris, non erubescere.

Gabinus hic, Philosophica certamina indicens,

invenit, cordatum, literarum, heroem,

qui ex omni congressu, sapientiæ trophæum fixit.

Bis eo murice, insignitus erat,

ut pateret purpuram animi, & virtutis ejus esse distinctam

relabente, ad eum, Tyrio Ostro,

qui, apprime novit, in senaculo eruditorum, principare.

Pacatum animum, haleyonia, & ethelias spirantem,

nilles, rixa calens, doctusq; tumultus, in publicum extulit.

Ut evicta veritate, sola hæc quaestio ind. cisa, maneret,

an Pythagorica Sapientia, suam in eo admiserit Metēptychosim?

& an Cosmopolophus, an Theosophus, dici deberet.

Cum Conclusiones oppugnaret,

Cecropias etiam Minervæ arces, expugnaturus videbatur.

Sed heu! quod hodie, argumentum posuit in Festino:

Fecit Præcisionem magnæ mentis a corpore;

& ex plausibilibus vitæ Præmissis, intulit sui, in urna, Conclusionem.

Hæc

Hanc enim Maximam semper habuit,

Bene, doctè, vivere, & argutè mori:

in Consequentia vitæ, cum Platone, de anima, mortalitatem, distinguendo.

Sophista nonnisi Fatorum,

Topicos cælos habet.

Sed volupè est, adhuc, hinc abeuntem, intueri.

Nec difficile videre, ex Ecclesiasticis exedris,
eminentem, ultra humeros, Musæum.

Hic, ille Pericles, quoties tonavit,

toties pœnitentibus, amarum indixit imbrem.

Cælitum encomia cum proposuit,

ab illis Nuntium putares,

ad normam Eorum sese componentem.

Examinator Synodalis, & Ordinandorum,

Sacras Musas, ubiq; circumtulit, totus Musæus.

Ecclesiæ DEI, in eo maximè proficiuus,

quod ingenia, magis erudiret, quam examinaret.

Idea Mystrarum;

diem, in sacras stationes, noctem, in vigilias divisit.

Docuit Corybantes sacrificulos, imitari,

apertis oculis in cura Pastoritia, quiescere,

vel Aticas noctes, agere:

nec cum septem Fratribus dormientibus ad januam cali tendere.

Talem dum virtutum & Sapientiæ dat odorem,

Primatiales Rosas sibi conciliat,

Celsissimi Illustrissimi & Reverendissimi Domini,

STANISLAI à Słupow SZEMBEK,

Gnesnensis Archiepiscopi, Regni Poloniæ,

Primatis, Primiq; Principis.

Qui eruditorum fautor, & Universitatis Mæcenæ Munificētissimus,

illi, uti operosæ api,

centifolia, gratiarum suarum, explicuit.

Nec minus, ad mentem erat,

Augusto Capiti.

Celsissimi Principis, Illustrissimi & Reverendissimi Domini,

D. CASIMIRI à Lubna LUBIENSKI,

Episcopi Cracoviensis, Ducis Severiæ,

Cancellarii Almæ Academiæ, Eminentissimi,

ad partem curarum, non leve momentum.

Totiusq; Peraugusti Capituli Cracoviensis, desiderijs,
quæritur ad cælestes Coronas.

Inter hæc, tam plurima, acutò stylò scripsit,

ut Tulliana flumina exhaustisse videretur;

& in Thulculano semper versari:

Immensum æquor, cū Erythræis conceptuū gēmis, calamo fudit.

Dadali pennam dices, quæ se ita in altum extoluit.

Aream hanc Scientiarum, cultiorem reddidit:

Exaravit enim continuò, & milit aureā sementē.

Encomia Principum cū scripsit,

ad corda penetravit.

Tylicianum Oratorem, plusquā in Romana Majestate collocavit

Prorsus quidquid egit, dignum Iove censebatur.

Roscius in Scena, Antæus in arena.

Improbos labores, innumeros suscepit, sale, jocoq; condicens.

Cūque maximè seriâ, gloriosè ageret,

lepores venari videbatur.

Comis semper & affabilis.

Vir liberali, & omnium horarum ingenio,

Simul plurima egit,

Virbius alter Minervæ,

nisi Trismegistum appellare mavis.

Iurisprudentiâ, ex ipsius Sacræ Themidis lance, sumpsisse visus

Sacros Canones, melodiæ Musarum addidit.

Ma-

Maturo judiciō enituit,

ac si consilio Deorum, semper interesset.

Prorsus nihil eum effugit,

quod Musæum, compendium scientiarum, adornaret.

Theologica summitas in eo, Olympum superavit.

Adeò enim elevatam mentem, Cælitibus familiarem fecit,
ut DEVM ipsum, in abyssu æternitatis, convenire videretur.

Viator, ac si Comprehensor.

Subtilissimus ubiq; & Sapientissimus,

Viam utramq; novit, ut ad cælum pertingeret.

Ast studium, surda lima.

Immensa Meritorum series, humeros infregit.

Bono enim publico inserviando, consumitur.

Prodigus virium, in jago officiorum.

Alienus enim erat, ab illo Mindyrde,

quem Seneca etiam ex otiosorum consortio expungit,
qui dum fodientem vidit, solo aspectu lassatus est, & cessare iussit.

Venit ad pigros cana lenectus;

cuius virtus animosa cadit.

Ad Theologicam enim professionem, cum accessit, decessit.

Speculaturus Numen, facie ad faciem.

Vitam tibi laceret, vitâ Macrobius esse,

qui Herilum expressisti,

multiplici spiritu, ad innumera opera animatus.

Locutus cum DEO, etiam in Margine vitæ.

Dumq; nox æterna, oculis increbresceret,

Dominus sit illuminatio mea, in tenebris meis,

præsenti animo, pronuntiasti.

Ita munitus omni spiritali medelâ,

Inter suspiria, & affectus, in CRUCIF. XVM,

suaviter animam efflâsti.

Etiâ morte tua, sine labe Conceptæ VIRGINI, subscripsisti.

non nisi absoluta Ejus solennitate, vitâ functus,

ne triumphalem hanc celebritatem, luctu nostro, funestares.

Omnium natant lumina, in rore flebili,

quia

quia pupilla Phœbi Academici occidit.
Musarum fontes, lachrymis manant,
cùm Musæus noster, caput eruditum, ad Elysium effert.
Palleiscunt Magni MICHAELIS Rosæ,
spinalq; doloris sentiunt, dùm tuum funus deducunt.
In vobis unica solatia restant!
qui vivum ut dilexistis, ita exprimitis,
Ultimæ Voluntatis Præstites !


Perillustri Clarissime & Admodum Reverende Domine,
M. MARTINE OSLINSKI,
Sacre Th: Doctor & Profess Collega Major, Ecclesiæ Collegiæ
S. ANNÆ Cracov: DECANE, &c. &c.
qui hunc, dimidium Animæ tuæ, desles, & parentalibus ornas.
Quidquid ei, de annis demptum est; tibi addatur.
Ut diutissimè Rem literariam ornes,
Sapientiæ Oraculum, vitæ speculum,
alter Academicæ Pollio curiæ.

Perillustri & Admodum Reverende Domine,
D. M. IOANNES CANTI BOGUSLAWSKI, *Phil: D.*
CANONICUS Videlunensis, SCHOLASTICE NEOCORCINENSIS, Vir Cantu
Pro lucis amarum funus ad D. Patriarchæ Mausoleum,
non sine gemitu ;

Cordis gemma & Achates:
in quo ut Pyrrhus senaculum Musarum,
sic tu Musæum nostrum impressisti.
in Senatu Ecclesiæ DEI, pretiosus Adamas,
Injuriam factorum inconcussus, secula vinces.

Illustris Clarissime & Admodum Reverende Domine,
M. JOANNES ŁOPUSZYNSKI,
Philosophiæ Doct: & Professor, Collega Minor, Curate in Græc
Musæi nostri imitator perpetue, in infirmitate solatium;
modo Nominis tui gratiam, in funebre obsequium conferens.
Excutiant tibi somnum, hujus Miltiadis trophæa,
quæ faciliè assequeris, uti jam in animis omnia triumphans.

Nos ad extremum, omni dolore,
Musæum ad Elysium, quâ licet, prosequimur.
Labimur super urnâ, caros cineres amplectendo, ea vota nuncupantes.
Ut Musæus, fontes Divinæ bonitatis, hauriat, plena visione.
Et inter gratias D. ANNÆ, & B. JOANNIS CANTI,
Eternè quiescat,
Positus à DEO,
SAMUEL.



14.
III P.
XVI. 23



624044 Bibliotheca 120008.
P.P. Camaldulensium in Bielany

Depozyt w Bibliotece Jagiellońskiej



06956

E. XVI. 23



624044 Bibliotheca 120006.
P.P. Camaldulensium in Bielany

Depozyt w Bibliotece Jagiellońskiej



06956

¶ uos djo
¶ ad p. m.

Lect. 1. Noct. de
fer. *Dua Miss. C.*
com. præc. & fer.

M A J U S.

17 Sabb. Monica Vid. &c. Vesp. de sequ. com.
Domin. & præced.

18 Domin. 5. post Pasch. Erii Reg. Mart. dupl.
9. lect. & com. Domin. CR. Credo dic. Vesp.
Cap. de sequ. com. præc. item Domin. &
S. ent. Virg.

J U N I U S.

19 v. Octava SS. Corporis Chr. In Vesp. com.
sequ. & S. Silverij P. M.

20 vj. Aeschili Ep. Mart. dupl. (fuit 12. huius)
9. lect. & com. S. Mart. CR. In Vesp. com.
sequ.

21 Sabb. Ubaldi Ep. Conf. semid. (fuit 16. Maij)
in hym. mut. CA. Vesp. ut in ordinat.

22 Domin. 3. Dedicat. &c. In Vesp. com. Do-
min. & sequ.

23 ij. Extra Cruc. Vigilia, Venantij Mart. semid.
(fuit 18. Maij) 9. lect. & com. Vigil. *Dua Miss.*
CR. & Viol. Vesp. de sequ. *sine comm.*

J U L I U S.

6 Domin. 5. in 5. post Pent. Octava SS. Apost. In
Vesp. com. com. Dom. & sequ.

ij. Cruc. Vena. Venantij Mart. semid. (fuit 18. Maij)
CR. Vesp. à Cap. à Cap. de sequ. com. præc. Extra

Cruc. Mariae Mariae Magd. de Paz. Virg. semid. (fuit
25. Maij) CA. CA. Vesp. ut supra.

iv. Cruc. Mariae Mariae Magd. de Paz. Virg. semid.
(fuit 25. Maij) CA. Vesp. à Cap. de sequ.

SS. Mart.